

TABULA 341.

HEISTERIA COCCINEA.

DECANDRIA MONOGYNIA.

CHAR: ESSENT: *Cal.* 5-fidus. *Petala* 5. *Drupa* *Cal.* colorato maximo.
HEISTERIA coccinea: v. *Jacq. Amer.* p. 64. t. 122. Borbonia fructu ob-

longo nigro, calyce coccineo. *PLUM.* Gen. 4.

Crescit in sylvis densis Martinicae ad torrentes. Floret Februario et
Martio. Fert fructum Junio. 5.

ARBOR inelegans, ramosa, vigintipedalis.

FOLIA oblonga, integerrima, apice attenuata in acumen falcatum, nitida,
brevisiter petiolata, alterna, semipedalia.

FLORES parvi, pedunculati, axillares, corollis albis.

CALYX *perianthium* monophyllum, campanulatum, quinquefidum, acuminat-

tum, parvum, decolor, persistens.

COROLLA *petala* quinque, ovata, concava, acuta, patentia.

STAMINA, *filamenta* decem, ovata, acuta, plana, erecta, alterna breviora.
Antherae subrotundae.

PISTILLUM: *Germen* subrotundum, depressum. *Stylus* brevis, erectus. *Stig-*
ma obtusum, quadrifidum.

PERICARPium: *Drupa* oblonga apice depresso, insidens calyci colorato et
maximo.

SEMINA, *nux* ovalis, obtusa.

OBs: Calyx in flore parvus et viridis; in fructu coccineus, limbo maximo et
patentissimo, laciniis subrotundis brevibus et obtusissimis. Incolis vocatur
Bois perdrix sive arbor turturum, ob fructus turturibus amatos. Quum
Plumerianum Borboniae genus, altera ejusdem specie vere relata ad Lau-
rum, alterius (de qua hic agimus) ignorato huc isque fido caractere, in
aliam longe familiam fuerit translatum, aliunde etiam *Heisteriae* nuperum
genus cum nunc sub *Polygala* militet; distinctam hanc a caeteris plantam
in crudiū hujus viri memoriam nominatam *Heisteriam* volui. v. *Jacq.* l. c.

Ramus magnitudine naturali.